

SAMÞYKKT

fyrir Fiskræktarfélag Svarfdæla.

29

26. marz

1. gr.

Félagið heitir „Fiskræktarfélag Svarfdæla“. Heimili þess og varnarþing er sama og formanns.

2. gr.

Verkefni félagsins er að auka fiskimagn í Svarfaðardalsá og Skíðadalsá og þverám þeim, lækjum og ósum, sem í þær renna, með innflutningi fiskseyða, klaki, friðun á fiski og settum reglum um veiðitæki og veiðiaðferðir, eftir því, sem lög mæla fyrir.

3. gr.

Félagssvæðið nær yfir allar þær jarðir, sem land eiga að ánum, samkvæmt því, sem gjaldskrá félagsins tilgreinir, en félagsmenn eru allir eigendur eða ábúendur þessara jarða.

Uptalning: Háls, Hamar, Hrisar, Víðirhólmi, Skáldalækur, Sakka, Ölduhryggur, Hánefsstaðir, Vellir, Brautarhóll, Gröf, Hof, Hofsa, Skeggstaðir, Hofsórkot, Ytra-Hvarf, Syðra-Hvarf, Hjaltastaðir, Sæla, Hlíð, Hnjúkur, Klængshóll, Krosshóll, Hverhóll, Kongsstaðir, Þverá, Syðri-Márstaðir, Ytri-Márstaðir, Dæli, Tungufell, Melar, Búrfell, Hæringsstaðir, Skeið, Kot, Atlastaðir, Þorsteinsstaðir, Sandá, Göngustaðir, Göngustaðakot, Klaufabrekkur, Klaufabrekknakot, Auðnir, Hóll, Þorleifsstaðir, Urðir, Hreiðarsstaðakot, Hreiðarsstaðir, Þverá, Steindyr, Bakki, Syðra-Garðshorn, Ytra-Garðshorn, Syðri-Grund, Grund, Brekka, Brekkukot, Jarðbrú, Gullbringa, Tjörn, Ingvarir, Helgafell, Syðra-Holt, Ytra-Holt, Hrafnstaðakot, Hrafnstaðir, Bökkvisstaðir, Árgerði, félagið Landnám.

Öllum öðrum en félagsmönnum er óheimil veiði á félagssvæðinu. Þó getur hver félagsmaður leyft veiði fyrir sínu landi, en þá ber hann ábyrgð á að þau veiðitæki ein séu notuð, sem 4. gr. ákveður.

Ekki má hafa ádrátt í sjó nær árósum en 500 metra, samkvæmt 14. og 15. gr. laga nr. 61 frá 1932, um lax- og silungsveiði, né veiða fisk í ósum í ár, eða ósum í stöðuvötn, og eigi 100 metra upp frá slíkum ósum eða 250 metra niður frá þeim.

4. gr.

Laxa má aðeins veiða í ánum á tímabilinu frá 20. maí til 15. september, en silunga frá 1. apríl til 1. september, þó eigi smærri laxa en 35 cm og silunga 25 cm.

Aðeins skal heimilt að veiða með stöng. Veiðiréttur hvers landeiganda sé bundinn við hans land, svo sem verið hefir, svo lengi sem ekki er sýnt, að lax sé genginn í árnar, en þá skal samþykktin tekin til athugunar og breytinga.

5. gr.

Stjórnina skipa 5 menn, formaður, ritari, féhirðir og 2 meðstjórnendur, kosnir til þriggja ára í senn á aðalfundi félagsins. Stjórnin skiptir með sér verkum. Fyrstu tvö árin ganga tveir úr eftir hlutkesti, og þriðja árið hinn síðasti. Enginn félagsmaður getur skorast undan kosningu eitt kjörtímabil í senn, og er ekki skylt að taka endurkosningu jafn lengi og hann hefir setið í stjórn. Heimilt er stjórninni að velja sér trúnaðarmenn til eftirlits friðuninni.

Kjósa skal tvo endurskoðendur til tveggja ára í senn og gengur annar úr eftir hlutkesti fyrsta árið.

Á stjórnarfundum ræður afl atkvæða úrslitum.

29

26. marz

6. gr.

Stjórnin hefir á hendi allar framkvæmdir félagsins milli aðalfunda. Formaður er fulltrúi félagsins út á við og hefir yfirumsjón með öllum störfum þess og fjárreiðum, boðar til funda og stjórnar þeim.

Verði félagsveiði framkvæmd eða árnar seldar á leigu eða hluti af þeim, hefir stjórnin með höndum framkvæmdir og umsjón þess.

7. gr.

Aðalfundur skal haldinn í febrúar eða marz ár hvert. Skál hann boðaður félagsmönnum skriflega með minnst viku fyrirvara. Fundur er lögmætur ef $\frac{1}{4}$ félagsmanna er mættur.

Nú er fundur ekki lögmætur, skal þá boða til hans á ný með minnst þriggja daga fresti, getur stjórnin þá úrskurðað hann lögmætan þótt færri séu mættir en $\frac{1}{4}$ félagsmanna.

Aukafundi heldur stjórnin þegar henni þykir ástæða til eða $\frac{1}{4}$ félagsmanna æskir þess. Afl atkvæða ræður úrslitum á félagsfundum. Á aðalfundi leggur stjórnin fram endurskoðaða reikninga félagsins fyrir síðastliðið ár til samþykktar, og skýrir frá störfum félagsins á því ári. Þá tekur aðalfundur ákvarðanir um starfsemi félagsins á yfirstandandi ári.

8. gr.

Stjórn félagsins er heimilt að skuldbinda félagið með lántöku, ef þörf krefur, og bera félagsmenn ábyrgð á rekstri félagsins í hlutfalli við gjaldskrá þess, og taka eftir sömu reglu hlut í arði þess, ef félagsveiði yrði framkvæmd.

Kostnaði af rekstri félagsins fram yfir tekjur jafnar stjórnin niður fyrir hvert ár á félagsmenn í hlutfalli við gjaldskrá félagsins. Gjald þetta er kræft á aðalfundi og fylgir því lögtaksréttur.

9. gr.

Reikningsár félagsins er almanaksárið. Stjórninni ber að færa reikningana í gerðabók, sem henni er skylt að halda, svo og samþykktir félagsins, gjaldskrá, fundargerðir og bréf.

10. gr.

Brot gegn samþykkt þessari varða sektum allt að 500 krónum, sem renna í félagssjóð. Með mál út af brotum skal farið sem almenn lögreglumál.

11. gr.

Að því leyti, sem ekki er tekið fram í samþykkt þessari, fer um málefni þessi eftir lögum um lax- og silungsveiði frá 23. júní 1932, og lögum um breytingu á þeim lögum frá 23. júní 1936.

12. gr.

Samþykkt þessari og gjaldskrá félagsins verður ekki breytt nema $\frac{2}{3}$ félagsmanna á aðalfundi samþykki breytinguna.

13. gr.

Félaginu má slíta, ef $\frac{2}{3}$ félagsmanna samþykkja það á 2 lögmætum félagsfundum í röð, sem boðaðir séu í því einu augnamiði, og skal ekki líða skemmra milli funda en mánaðar-tími.

Samþykkt þessi staðfestist hér með samkvæmt lögum nr. 61 23. júní 1932, um lax- og silungsveiði, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 16. marz 1940.

Hermann Jónasson.

Vigfús Einarsson.